

Troms Kraft árvvoštallá viiddidit Fakkena bieggamillopárkka

Gaskavahku juovlamánu 15. b. Troms Kraft lágidii vuosttaš čoahkkimiid Várndasullo boazodoaluin ja báikkálaš ássiiguin. Čoahkkimis háleštuvvui vejolašvuodain viiddidit Fakkena bieggamillopárkka, mii lea Gálssa suohkanis. Maiddá Gálssa suohkanstivra lea ožžon dieđuid, ja ášši ovdanbuktui ovdagoddái čoahkkimis skábmamánus.

Fakkena bieggapárkkas leat dál 18 turbiinna. Dat ásahuvvui 2010, ja buvttada juohke jagi sullii 150 GWh. Párkka viiddideamis dasa lasihivčče 11 ođđa turbiinna, maid kapasiteahtha livččii lagabui 200 GWh. Oktiibuot sáhtta de buvttadit lagabui 350 GWh juohke jagi, mii vástida sullii beali Romssa suohkana olles rávdnjegeavahusas.

- Lea čielggas ahte mii Norggas dárbašit buvttadit eanet rávnnji, vai ollašuhit energiijanuppástusa ulbmiliid. Mii oaidnit dál ahte geavaheapmi lassána nannosit Davvi-Norggas dálá ealáhusaid elektrifiserema geažil ja ođđa industriija ásaheami geažil. Dasa, ja maiddá servodaga oppalaš elektrifiseremii manná dálá badjebáza moatti jagi siste. Troms Kraft ulbmilin lea ovddidit ruoná molsašumi nannosit, ja vuoraha danin fierpmádaga huksema ja ođasmuvvi rávnnji buvttadeami, dadjá Semming Semmingsen, Troms Kraft konseardnaohavda.

Dál leat bargamin lágain, mii addá gielddaide stuorat váikkuhanválddi bieggamillopárkkaid ásaheapmái, ja stuorát oasi boađuin, mat rusttegiin bohtet. Dan geažil eai sáhte dál meannudit ođđa bieggafápmodoaibmalobiid. Ođđa doaibmalobi háhkanproseassa lea dattetge nu viiddis ja áddjái, ahte Troms Kraft lea välljen guorahallagoahtit ášši dál jo.

- Jos áigut olahit 2030 ulbmiliid, eat oainne molssaeavttuid bieggamillopárkkaid huksemii nannamii. Dat lea hálbimus elrávdnji, maid sáhttit kundariidda fállat, ja lea jođáneamos hukset. Mii jáhkkit bieggafámu geasuhišgoahtit gielddaid sakka eanet, go ođđa boahtovuogádat ásahuvvo, go dat buktá stuorra boađuid ja vejolašvuodaid ođđa bargosajiide. Dál álggus mii ovddidit Gálssa bieggapárkka, go jo leat álgán doppe ja mis lea buorre gulahallan berošteddjiiguin, dadjá Semmingsen.

Troms Kraft oaidná ereliiggán mávssolažžan, ahte suohkan ja sii geaidda ášši guoská Várndasullos, váldet ášši vuostá bures. Lea ereliiggán mávssolaš gulahallat bures boazodoaluin.

- Troms Kraft atná mávssolažžan ovtasbargat sámi beroštumiiguin. Mii dahkat dan maid sáhttit, vai láchit dili dasa ahte min ealáhus galgá sáhttit doaibmat bálddalagaid boazodoaluin, dadjá Semmingsen.

Gulahallanolbmot:

Semming Semmingsen, konseardnaohavda: 915 77 915

Stein-Gunnar Bondevik, servodatgulahallan: 974 08 801